



重濬孟瀆等三河全案卷四

武進縣知縣程士偉陽湖縣知縣廖鴻苞爲札飭事
道光十年七月十三日奉

布政司梁憲札內開據常州府具詳開挑孟瀆德勝
等河彙議章程詳請示遵等情到司據此查上屆開
挑孟瀆河道雖經全數給領曾奉

大部覈減有案此次工程甚大銀數較多

帑項攸關尤當格外慎重自應按照挑濬吳淞江章程
開工時先領五成工將過半再領二成工挑七分再
領二成其餘一成畱備

部減及挑不如式補挑之用且辦理河工非止常州一處將來大興水利正須一律照辦該處何得獨異致啟效尤况工費雖係民捐仍先借

帑以十有餘萬之經費斷不便任意浮濫率行咨

部請免覈減設奉大加刪減而地方官既不值手各紳士能否賠繳亦須預爲籌及所有工費據請仍照上屆之案給發足銀一切雜費官紳捐湊等情查此次工程與上兩屆不同其一切雜費需用不少恐非紳士所能捐湊該府等究竟如何籌款所籌若干現尙徒託空言必致臨時掣肘至辦理河工扣留五分

平市歷經

奏明有案該處紳士何以執定上屆之案堅不遵照茲查工費銀兩均應換錢給發而上兩屆錢價較之現在迥不相同嘉慶十一年發銀時每兩換錢一千五百一十文二十一年發銀時每兩換錢一千三十文今該紳士既欲循照上兩屆辦理則按銀易錢似亦應照從前價值計算給發其餘串錢文即可撥充雜費毋庸捐集較爲直捷至遷讓墳墓及開動民田價值據請併案借

帑攤徵亦應速卽估定具詳合就札飭查議札到該縣

重刊五通等三河全圖 卷四
立即遵照指飭覆加確勘據實刪減估計實需銀數
另造冊結繪圖貼說開具各董事姓名領辦工段及
應領工價細數清冊妥議章程并將雜費銀兩一併
定議先行詳司一面照例呈請
常鎮道覆勘估計移司以憑詳請具
奏均毋刻延等因並奉

前府憲札飭到縣奉經前署武邑趙令會同卑職鴻
苞轉飭孟瀆等河原呈鄉圖董事凜遵指飭按款妥
議章程呈候覈詳去後又於本年八月十一日奉
常鎮道憲劉札開據該縣稟覆孟瀆德勝澡港三河

出土責成董事在於兩岸河埂內離岸十丈隙地插
立標記均攤等情據此查離岸十丈是否官地無礙
民田未據切實聲敘合亟札查札縣立即督董再行
查明沿河堆土處所是否俱係官地與民田有無妨
礙不致藉阻啟訟其通江口門既無攔蓄將來冬令
水小是否不致外瀉無礙空運取具各董事切結同
各董事姓名領辦工段清摺及應領工價細數清冊
妥議章程遵照

藩司指飭將雜費銀兩一併定議具詳立等勘辦等
因又奉

藩憲札開照得孟瀆德勝澡港三河據該府縣議詳
借

帑興挑原期漕運農田均有裨益惟前準

常鎮道函開三河開深通江口門並無攔蓄將來冬
令水小橫越二閘進潮下流是否不致外瀉無礙空
運現飭相度形勢確查另復等因未據具復查武陽
一帶運河爲江浙兩省空重漕船經由要道不特冬
間水小回空常恐稽遲卽當春水方生江潮未旺亦
卽時虞淺阻今孟瀆等三河一經開深通江口門並
無攔蓄則運河之水分洩必多是地勢之高低實爲

此中緊要關鍵除移道帶同河工熟悉員弁親詣確
勘外合亟札飭查勘札到該縣卽遵照親詣確勘
三河通江各口門地勢是否不致過低其各河頭地
勢與運河上流一帶地勢高下尺寸究竟若干將來
開成後運河之水是否不致分洩於冬春空重經臨
之際有無窒礙逐一勘明切實通稟以憑覈辦事關
漕運毋稍草率遷就致滋貽誤等因又奉

常鎮道劉憲札同前由札委京口協防熊治馳赴鎮
常一帶查勘到縣奉經卑職鴻苞於兼署武篆任內
分別飭查會勘詳復間旋奉

直隸孟瀆等三河全案 卷四

道憲親臨履勘並蒙
陞撫憲按臨查勘當奉面諭再將孟瀆通河測探水
勢督同董事細加確估將高仰地勢淤墊段落加估
挑深並於孟河城外添設閘座以資蓄洩等因隨據
常郡紳士左輔楊清輪呂榮徐準宜吳孝銘李兆洛
等呈爲公議選舉呈求詳請飭辦事蒙

各大憲

奏請借

帑開挑孟瀆德勝澡港三河歷奉勘估詳明興辦在案
茲節屆霜降水勢漸涸可以尅日興工蒙諭得沾水

利各鄉圖舉董經辦并諭職等於紳士中酌舉數人
總理三河事務庶不致假手吏胥以期功歸實濟具
見興利除弊念切要工之至意職等伏念開濬三河
上利漕運下潤田疇中通商賈於

國計民生大有裨益職等不能親赴各河躬爲督理實
切悚惶亟遵憲意秉公遴選查有前任廣東南雄直
隸州知州余保純原任山東汶上縣知縣劉弼全舉
人言啟方武舉張鑑候選州吏目趙焜候選未入朱
鑑泉等熟諳河務精明幹練係紳士中結實可靠之
人以之總理疏濬事宜自能不負委任經理得宜再

新開之超瓢港口係鎮江府屬地界查鎮屬紳士上元縣訓導候選知縣嚴城素諳河務堪以董理緣奉選舉合行公叩俯賜鑒覈詳明

各大憲飭令經辦等情並據孟瀆德勝澡港河各原呈監生巢遇良鄒倬張克俊生員趙英鄒觀民職員萬鈺生員張傑鄒肇先包慎非陳金盤曹廷聰孫洪謨等稟爲遵諭呈請事竊孟瀆德勝澡港三河仰蒙各憲親勘借領

帑銀雇夫開挑六邑攤徵疊經常郡紳士體念鄉民拮据分晰詳請在案緣奉

藩憲札飭所借

帑項陸續驗發扣畱一成以備挑不如式暨奉

部覈減之用又扣平市五分抵作經費等因蒙

憲諭飭生等原呈會同董事議明覆候覈詳生等遵卽會同三河鄉圖董事暨按畝承挑各戶悉心妥議緣孟瀆德勝澡港三河同時並舉廣袤百數十里雇夫愈多方價愈貴前屆借

帑小挑均蒙足銀實發民間按畝派夫賠累已多此次工程較前三倍卽照上屆全數實發銀價縱值極昂之時而賠累較前更鉅若再折扣給發民力實在難

支查吳淞江每方發銀二錢五分比孟瀆等河多至八分五釐方價既有不同章程卽難比照生等與鄉民再三籌議惟扣平市五分以作經費本係乾隆三十一年舊章自願遵照扣作經費前經赴府具結在案伏求詳請發存府庫至領銀時鄉董偕同圖董莊首帶領承挑各戶各計所開方數造冊具領生等祇能在河指認以及分段催工稽察勤惰稟請在工委員隨時勸懲並不涉手銀錢日後奉部覈減通河議明歸於承挑各戶查照領銀細冊科數徵還

帑項可期有著無須各董賠繳至驗工分次發銀章程盡善生等自應遵照辦理惟是銀存

藩庫距常二百餘里不但往返盤費苦累增多更恐時日稽延夫役不能停工以待儻或半途星散工程必誤伏求詳請

藩憲發銀到工由委員分次驗工發領蒞簷受惠無窮工程可期迅速再奉

憲詰出土地段有無妨礙民田河道等因伏查孟瀆等河兩旁均有舊時河埂歷屆開挑積土均於河埂之內平灘不致妨礙民田亦不致卸入河心再查江

口坐落西北高隅運河落於東南較低潮水灌進直
流運河不致逆流洩瀉爲此公同議覆恩賜覈詳施
行等情并據粘呈結稿內稱結得生等呈請借領
帑銀開挑孟瀆德勝澡港河道奉

藩憲駁飭所借

帑銀陸續驗發扣畱一成以備挑不如式暨奉

部覈減之用又扣平市五分以抵經費等因生等領
銀情願遵奉乾隆三十一年扣平市五分抵作經費
至所估尺寸儻不如式情願照估補挑其扣畱一成
求請詳

憲照估給發日後奉

部覈減通河議明歸於承挑各戶查照領銀細冊科
數徵還

帑項生等不敢諉誤各願樂從等情據此職等遵於九

月十二日隨同

憲臺親詣各河確切勘覈除德勝澡港二河原勘估
挑丈尺應需工料銀數均屬相符無庸增減外惟查
孟瀆一河爲通潮濟運之最要誠如

陞撫憲臨勘指飭原估河段挑深丈尺間有不實不
盡之處現遵逐細確勘將地勢高仰及淤墊段落量

加增估挑深四五六尺不等以期一律深通並會同丹邑查勘道光四年原議開挖包港江口以作引河緣該處江口界連丹邑九曲河道一經開通有礙丹邑水利當據該處士民籲請免開其孟河舊口勘有橫沙亘積勢難開復惟有仍照原詳新開超瓢港口但查原估河岸橫闊開動民田計寬二十丈河面開寬七丈河底三丈五尺未免河形太陡兩岸餘地無多日夕江潮灌注易遭坍塌損復與紳董洲民等籌議應以置買民田統以河岸二十四丈爲度將原估河面量加開寬二三丈俾形如建瓴得免坍塌卸再查新

開江口坐落西北運河坐落東南內河水勢雖平江口地形高仰潮水趨向東南不致逆流洩瀉空重漕船均無妨礙遵於孟河城外建設閘座隨時啟閉以資蓄洩統計增估挑深孟河土方銀一萬三千六百五十四兩零增寬河岸添買民田價銀四百八十三兩零建設閘座工料銀一萬八千八百六十二兩零共估需加增銀三萬三千兩零除分晰覈造細數清冊另行申送外懇將增借

帑銀查照前詳併計原估三河工價并置買民田遷讓墳墓房屋價值通共計銀三十萬六千七百二十四

兩零併歸常屬六縣按成歸於地丁項內併徵分解
以免延欠至奉飭每兩扣留五分平市以作在河經
費另扣一成以備覈減及補挑不足之用等因已據
三河董保等呈明情願查照乾隆三十一年借

帑挑河成例每兩扣平市五分以抵在河經費扣留一
成銀數業已議明如果挑不足數照估賠挑儻奉覈
減亦願歸於承挑各戶查照領銀細冊科數繳還等
情具結在案似此挑工不致草率卽奉覈減亦歸有
著而經費亦無虞缺乏應懇俯如所請將工需銀兩
及扣留平市全數給領存貯府庫聽候各按挑工分

數隨時分別給領支用俾免守候稽遲再查三河出
土處所已飭據各董保呈明各河兩岸均有河埂積
土於埂內平攤不特無礙民田並可不致復卸入河
所有各河承辦鄉圖董事現已分別舉報齊全惟各
河董事人數較多賢愚莫辨且恐意見或有不同致
多格礙現已飭據在城紳士左輔等遴舉紳董總理
各河疏濬事宜查察鄉圖董事賢否以定棄取查所
舉紳董余保純等素稱公正練達任其督辦可期得
力除由卑職等致請佐理工竣詳請獎勵外合將增
估孟河土方寬開新口河岸增買民田並建設閘座

各銀數及奉飭查議各款緣由彙列具文詳請
察覈施行

再查開動民田遷讓墳墓價值銀數業據卑武邑趙
令會同卑職鴻苞專案詳請併入工需借領

帑銀內攤徵在案至武邑通江各河業皆疏濬深通而
引潮注運之東西南各運河前經詳請一律通挑嗣
因同時並舉辦理難周復經議請從緩再行查辦合
併聲明

道光十年九月二十一日具詳

署常州府知府趙光祿詳爲遵批轉飭事查挑濬孟
瀆德勝澡港三河估需挑深丈尺夫工銀數據縣確
勘造冊送經前府覈明通詳並籌議舉董經理借
帑由六縣攤徵歸款均由前府詳奉

憲臺札飭前因遵經飭據武陽二縣覆議會詳前來
並經卑署府將未盡事宜逐款籌議稟呈

憲鑒在案惟原議開通超瓢港引潮進口一節恐有
窒礙前經卑署府稟請或開通包港或由孟河舊口
開深嗣蒙

陛撫憲札飭會督鎮江府縣親詣九曲河至包港一

帶確勘查包港出口最爲妥善緣該處民情未洽不
便相強孟河舊口又勘有漲沙橫阻難於籌辦是舍
超瓢港而外別無通江之路嗣據超瓢港各鄉董孟
河一鎮三圖富通東三洲生員毛仲揚陳金盤等具
結內稱奉諭換超瓢港新口恐新築口岸不能堅固
江潮衝坍致有淤塞情事結得生等住近江口疊被
水旱事關切膚無不踴躍急公情願捐資雇夫將口
岸堅築牢固岸腳加砌草皮以圖久遠儻因衝坍以
致淤塞各願捐資開復不致虛糜
帑項如敢諉延聽憑治罪等因竊計超瓢港開通引河

既據該鄉董等具結惟有責令堅築隄岸加夫夯礮
結實事後插柳栽茭藉資保護並隨時查察如有坍
淤之處卽令賠築補挑惟原估河形太陡兩岸餘地
無多日夕江湖灌注易遭坍損茲據該二縣復又與
紳董洲民等議將原估河面量加開寬二三丈自應
俯如所請以免坍卸之虞至奉

陞撫憲諭令將孟河高仰地段增估加深並於孟河
城外添建閘座現據該縣逐一增估計孟河增估土
方銀一萬三千六百五十四兩零增寬河岸添買民
田價銀四百八十三兩零建設閘座工料銀一萬八

千八百六十二兩零共估需加增銀三萬三千兩零
現飭該二縣分晰覈實造具細冊另送併計原估三
河工價並置買民田遷讓墳墓房屋價值統共計銀
二十萬六千七百二十四兩零仍如前府所議由六
縣攤徵還款至奉飭每兩扣平市五分以作經費另
扣一成以備覈減及補挑不足之用現據三河各董
保等赴府具結情願查照乾隆三十一年借

帑挑河成例每兩扣平市五分以抵經費如果挑不足
數照估補挑儻奉覈減亦願歸於承挑各戶查照領
銀細冊科數繳還懇求免扣一成銀數並應俯如所

請將工需銀兩及扣畱平市由縣備領委員會同紳
董赴省領回寄存府庫按照挑工分數隨時給發其
各河董事人等現據在城紳士左輔等遴舉紳董余
保純等督辦該紳董等素稱練達可期得力一俟大
工告竣酌其勞績另請分別獎勵相應覆覈具詳伏
祈

憲臺鑒覈

道光十年十月 日具詳

乾隆十年十一月

日具

武進縣知縣程士偉陽湖縣知縣廖鴻苞為造冊詳
送事案照卑武邑孟瀆德勝澡港三河詳請借
帑興挑通共原估土方壩座工料例津二價及置買民
田遷讓草房墳塚等銀十七萬三千七百二十兩三
錢六分一釐業經造冊詳送覈勘在案嗣奉
陞撫憲臨勘孟瀆河道指飭原估河段挑深丈尺間
有不實不盡之處並應於孟河城外添建閘座等因
奉經將約需添估工料價銀三萬三千兩零於奉飭
查議各款案內具文通詳亦在案茲卑職等督同紳
董及孟瀆通河鄉圖董事人等詣河逐細確勘將地

武進縣知縣程士偉陽湖縣知縣廖鴻苞為造冊詳
送事案照卑武邑孟瀆德勝澡港三河詳請借
帑興挑通共原估土方壩座工料例津二價及置買民
田遷讓草房墳塚等銀十七萬三千七百二十兩三
錢六分一釐業經造冊詳送覈勘在案嗣奉
陞撫憲臨勘孟瀆河道指飭原估河段挑深丈尺間
有不實不盡之處並應於孟河城外添建閘座等因
奉經將約需添估工料價銀三萬三千兩零於奉飭
查議各款案內具文通詳亦在案茲卑職等督同紳
董及孟瀆通河鄉圖董事人等詣河逐細確勘將地

直隸三河縣志卷四
勢高仰及淤墊段落於原估之外復加增估挑深自五寸起至四五六尺不等並查新開超瓢港口係屬沙洲土性恐未堅結原估河形未免太陡兩岸餘地無多日夕江潮灌注難免易遭坍塌復與紳董洲民籌議應再添買民田開寬河岸統以河岸二十四丈爲度將原估河面量加開寬二三丈俾免坍塌並遵於孟河城外添建閘座因時啟閉以資蓄洩統計孟瀆河南北兩段及護城河段落并開挖超瓢港新口共估土方壩座夫工料物例津二價銀十二萬七千三百六十九兩八錢九分九釐又估挑土方內挑深

五尺仍照上屆章程給與例津二價外其五尺以上深土不無挑挖維艱兼之登岸較難若不量爲加給工價未免向隅茲每方酌加銀二分五釐共計銀七千二百五兩五錢二分七釐再超瓢港新口共應置買民田二百九十畝仿照江甘二邑開挖瓦窰鋪新河詳定成例挖廢民田每畝價銀十兩共估田價銀二千九百兩又應遷移草房一間墳墓三十一塚應給遷移葬費銀六十四兩再添建石閘一座應需料物夫工現在時價昂貴若照部定例價估計實屬不敷辦理茲仿照丹邑張官渡

等閘實用工料價值覈實估計共估時價銀一萬八千八百六十二兩八錢五分九釐以上孟瀆河原估增估通河土方閘壩及置買民田遷移草房墳塚葬費等項共估例津時價銀十五萬六千四百一兩二錢八分五釐加以德勝河原估土方壩座工料銀三萬六千九百三十九兩四錢三分九釐又澡港河原估土方壩座工料銀一萬三千三百八十三兩九錢二分八釐三河共估銀二十萬六千七百二十四兩六錢五分二釐合將孟瀆通河另造段落土方壩座工料銀數估冊並另造深土價銀及建設閘座并置

買民田遷移草房墳塚業戶畝數各項銀數細冊一
並具文詳送伏祈

憲臺電鑒

道光十年十月二十二日具詳

武進縣知縣程士偉陽湖縣知縣廖鴻苞謹稟竊卑職等督董承挑卑武邑境內孟瀆德勝澡港三河工程前因冬春以來雨雪連綿未克全行及時開工當將雨多水積情形通稟

憲鑒在案茲自二月初六日起至今二十日止又復間日大雨各河積水愈形充溢伏查現屆開挑孟瀆德勝澡港三河惟孟瀆一河河道綿長河身深闊其工程最爲艱巨而孟瀆河內又分漕田新灘兩段自萬緣橋進口至孟河城北關外木行口及小河外馬橋止河身長九千八百五十五丈三尺原估土方銀

九萬九千四十三兩零此爲漕田段落係歸安西等
五鄉漕田業戶按畝起夫承挑現因雨多水積尙未
領銀開工其自孟河城北關外木行口起至新改之
超瓢港口止又自小河外馬頭起至江口止河身共
長三千七百五十四丈五尺原估土方銀三萬四千
四百七十四兩零此爲新灘段落係歸洲田原呈人
等承挑該處河與地平乾涸無水不須車戽去冬十
二月底先已領銀開工現挑有工次七八分不等銀
已發至九成如得半月晴霽即可完工至德勝澡港
兩河原估土方銀五萬零一百七十九兩四錢七分

本定上年十二月底開工其銀已給領五成嗣因雨
雪連綿河水旋戽旋積工次僅止一二分該兩河工
程較孟瀆少爲簡易民情亦較踴躍如得一月晴霽
亦即可趕辦完工統計孟瀆河內漕田界外之新灘
段落暨德勝澡港兩河其原估土方銀八萬四千六
百五十三兩零並三河壩座銀一千七百十一兩一
錢零均已陸續發領現在趕乘雨歇加夫戽水僱挑
三月底總可竣事報請

各憲驗收不致貽誤惟孟瀆河漕田段內三十五圖
業戶承挑之九千八百五十五丈零原估土方銀九

萬九千四十三兩零每田五畝派夫一名雖從前原
限一月完工而民間心力難齊勤惰不一卑職等體
察情形總須接連晴霽五十日方能一律挑濬完善
且現在該處積水深至四五尺六七尺不等車戽不
易兼之兩旁溝渠漫溢瀉入河心即使刻期晴霽必
須將各溝渠存水先行開放出河以備開工後儲蓄
滲水雨水之用一面再將河內大水雇夫併戽輾轉
辦理爲期已在三月初旬今年節氣較早三月底已
交夏令農忙在卽各夫工均將自顧田業彼時卽或
昂價向雇亦復無夫可加卽使勉强興工設再間逢

陰雨必至延至四月初旬僅得數分工次一經二麥
登場夫役各散歸農其時銀已發去工不能完卑職
等獲咎滋重雖此由天雨所阻人力難施並非有心
延誤第究由卑職等不預先籌稟所致用是再三思
維與其貽誤於將來莫若詳慎於此日卑職等與各
董事通盤籌畫計惟有先將已經領銀之孟瀆河內
新灘段落三千七百五十餘丈及德澡兩河工程加
夫趕辦儘三月內完工稟請
憲臺臨工驗收外其未經領銀之孟瀆漕田段內河
道合無仰懇

真濟五瀆等三河全案 卷四
憲恩俯念積水過多工程艱鉅農忙伊邇一時趕辦不及

奏請緩至本年秋後興工俾得從容挑濬完善不致草率貽誤實出

恩施不揣冒昧繪圖陳稟

道光十一年二月二十三日具稟

候補通判姚元浩候補通判吳尙忠武進縣知縣程士偉陽湖縣知縣廖鴻苞爲詳明事據卑武邑孟瀆河原呈巢遇良董事巢錦等呈稱現蒙

憲恩

奏奉

俞允借

帑開挑孟瀆等河士民莫不欣呼歌舞伏查奉

憲估挑孟瀆通河寬深丈尺固已覈實一律通暢惟孟城北關外起至塔山大壩止各段河道秋間估詳後緣江口淤沙橫亘朝潮汐沙來速去遲以致兩坡

更形淤墊應請加估挑除邊土一尺俾得工程益臻完善至原估面寬七丈底寬三丈五尺茲挑挖既深岸形陡立兩坡窄狹深恐坍塌公同酌議請均改面寬七丈五尺底寬三丈庶兩坡有灘不致卸裂再超瓢港口壩內第八十三段原估口寬十丈底寬四丈壩外第八十四段原估口寬十二丈底寬五丈查該二段河身貼近大江若河底過寬則河形愈陡應請各減去底寬五尺其壩外八十四段原估挑深九尺亦係秋間勘定該處向栽蘆草淤沙易積照現在地形而論如照估開挑則江口高仰反不及壩內之深

窪並請加估挑深一尺庶江流暢達通河有濟其南段內自夏墅鎮至石橋閘北止各段挑深尙可減少一二尺不等總以一律平坦深通爲度以節

帑項等情並據護城河董事費伯雄巢爾恭等稟稱生等承挑護城河原估面寬四丈底寬二丈深自七尺至九尺不等今工次將竣兩岸旋開旋坍蓋緣五分收底形勢壁立不特刻下難以施工更恐久後岸坍淤淺再四籌商惟有將河面加寬六尺以四丈六尺爲準河底減開二尺以一丈八尺爲準多挑土方情願捐辦等情各到縣據此卑職等卽會同督董前詣

各河逐細覈勘確與所稟情形相同似應俯如所請
準予加減以期功垂永久

帑不虛糜除夏墅鎮至石橋閘北一帶河段係坐落漕
田界內業經稟請緩辦容俟秋後興工時覈勘酌減
挑辦以節

帑項外所有北段沙灘界內河段應增應減土方銀兩
現在分別扣存給發統俟完工驗收後覈實報銷合
先聯銜敘情詳明伏祈

憲臺電鑿至增減口底寬深土方夫工銀數已照改
估尺寸造具冊摺呈送其護城河口底加減甫據具

稟前送冊摺未及改造且該處河面加寬六尺河底
收減二尺應增土方夫銀河董自行捐辦毋庸更改
請免另造合並聲明

道光十一年三月十八日具詳

孟瀆等三河全案卷四

常州府知府恒泰謹稟竊卑屬武進縣境孟瀆德勝
澡港三河荷蒙

奏準督率董事分段開挑業將各河興工日期及挑辦
工次應緩段落情形由縣先後通報

憲鑒在案計自開工以來因晴雨不時各段工次積
水甫經戽涸旋遭陰雨旋戽旋雨以致各工多有積
水工作維艱但爲時旣久期限緊迫難以再延茲卑
府於本月二十四日督同陽湖縣廖令親詣孟瀆等
三河各工段落逐一履勘除孟瀆漕田界內各河現
在勘明水勢漫溢勢難舉辦業已另文詳覆請緩外

其孟河東字十二號起至又五十五號止承挑小河江口原估工段七百五十丈之內有四百五十丈現在紛紛挑挖督董丈量牽算約有六分工次其餘沿江三百丈因江水泛溢無從車戽施工再超瓢港新口及孟永洲并富通東各字號認挑河段現已完竣惟勘明兩岸尙有鼓肚未能一律如式之處當經卑府諭著各董挑切完善聽候驗收又勘得孟瀆公河中段開見山根石塊除已鑿起之外尙有與兩頭河底高有一二尺不等其兩岸沙土性鬆坍卸處所亦復不少卑府隨諭令各董將石塊加工格外鑿深刻

除淨盡以免阻礙河流至德勝澡港兩河已挑之工逐段丈量工次不一通河牽算約有四五分工次惟德勝河江口大壩外原估應挑河段三百丈斯時僅能挑挖一百二十九丈賸一百七十餘丈因江潮灌注未能動工又澡港河江口大壩外原估應挑河段一百四十丈現僅挑挖七十丈其餘亦被江潮淹沒難以施工卑府因現值工程喫緊之際轉瞬農務殷忙且各段工程原係各董事等承認領辦復面諭各董事將應開段落多加挑夫上緊僱挑並囑總理三河委員候補通判姚吳二倅暨各段委員實力督辦

尅期竣事報請驗收外合將履勘緣由肅泐具稟仰
祈

鈞鑒再查孟瀆之小河江口暨德勝澡港兩河江口
壩外未經施工者共有五百四十一丈就近傳詢承
辦董事僉稱天晴水退尙可趕辦等語卑府察勘情
形現交夏令江湖有漲無消勢難再行施工惟已據
承領銀兩應如何追繳之處現飭程廖二令確切覈
議飛速彙案轉詳請緩以昭覈實再卑府於二十四
日黎明自郡動身查勘三河工程至二十六日酉刻
回郡卽於是晚陣雨時作直至二十七日午刻方止

未知三河水勢有無增長工程有無妨礙飭縣查明
另稟

憲鑒合並聲明

道光十一年四月 日具稟

蘇州府志卷四
江蘇布政司梁為札委查勘事據常州府稟稱武進
縣境孟瀆德勝溧港三河自開工以來因晴雨不時
各段工次積水甫經戽涸旋遭陰雨工作維艱但為
時既久期限緊迫難以再延茲卑府於本月二十四
日督同陽湖縣廖令親詣孟瀆等三河各工段落逐
一履勘除孟瀆漕田界內各河現在勘明水勢漫溢
勢難舉辦業已另文詳覆請緩外其孟河東字十二
號起至又五十五號止承挑小河江口原估工段七
百五十丈之內有四百五十丈現在紛紛挑挖督董
丈量牽算約有六分工次其餘沿江三百丈因江水

江蘇布政司梁為札委查勘事據常州府稟稱武進
縣境孟瀆德勝溧港三河自開工以來因晴雨不時
各段工次積水甫經戽涸旋遭陰雨工作維艱但為
時既久期限緊迫難以再延茲卑府於本月二十四
日督同陽湖縣廖令親詣孟瀆等三河各工段落逐
一履勘除孟瀆漕田界內各河現在勘明水勢漫溢
勢難舉辦業已另文詳覆請緩外其孟河東字十二
號起至又五十五號止承挑小河江口原估工段七
百五十丈之內有四百五十丈現在紛紛挑挖督董
丈量牽算約有六分工次其餘沿江三百丈因江水

泛溢無從車戽施工再超瓢港新口及孟永洲并富通東各字號認挑河段現已完竣惟勘兩岸尙有鼓肚未能一律如式之處當經諭著各董挑切完善聽候驗收又勘得孟瀆公河中段開見山根石塊除已鑿起之外尙有與兩頭河底高有一二尺不等其兩岸沙土性鬆坍卸處所亦復不少隨諭令各董將石塊加工格外鑿深剷除淨盡以免阻礙河流至德勝澡港兩河已挑之工逐段丈量工次不一通河牽算約有四五分工次惟德勝河江口大壩外原估應挑河段三百丈斯時僅能挑完一百二十九丈尙有一

百七十餘丈因江潮灌注未能動工又澡港河江口大壩外原估應挑河段一百四十丈現僅挑完七十丈其餘亦被江潮淹沒難以施工卑府因現值工程喫緊之際轉瞬農務殷忙且各段工程原係各董事等承認領辦復面諭各董事將應開段落多加挑夫上緊僱挑並囑總理三河委員候補通判姚吳二倅暨各段委員實力督辦尅期竣事報請驗收再查孟瀆之小河江口暨德勝澡港兩河江口壩外未經施工者共有五百四十一丈就近傳詢承辦董事僉稱天晴水退尙可趕辦等語卑府察看情形現交夏令



原件短缺

P28

江潮有漲無消勢難再行舉工惟已據承領銀兩應如何追繳之處現飭程廖二令確切覈議飛速彙案轉詳請緩以昭覈實等情又據武陽二縣會同候補通判姚元浩吳尙忠稟稱竊照開挑孟瀆河北段公河及富通東孟超瓢港并護城河等河段業將工次先後報明惟公河中間有石工坍岸一時不及趕竣又經稟詳憲鑒嗣於本月二十四五等日復奉本府督同前詣查勘已竣各工間有鼓肚凸凹之處飭董挑鏟如式並勒令多雇匠夫將石工坍岸趕緊辦竣去後茲據委員陽湖縣主簿章恩榮武進縣小河司

奏明工段較短多集夫車勒限趕辦自難再議請緩致與

奏案不符應卽妥速辦竣所有孟瀆德勝澡港三河工程現在究係如何情形該府縣所稟語多游移亟應委勘合就飭委札到該守立即赴工逐細按段按工確切查勘據實明晰開摺稟覆以憑察奪一面嚴催該縣等督董多集人夫趕緊挑辦一律完竣報請驗收毋稍藉延貽誤干咎切速特札

道光十一年四月初三日行札鎮江府王守

江蘇布政使梁章鉅謹稟竊本司奉

憲臺札委驗收孟瀆河北段工程當於本月初五日
由蘇登舟初七日行抵孟河城卽先往超瓢港一帶
勘視計自孟河城北門外至江口止其河長二千七
百丈自六十二段至八十四段分爲二十三段據該
處委員董事等面稱本係乾河聽候驗收因前月二
十六七兩日暴雨如注新水深至四五尺無處宣洩
等語覆查尙係實情不得不酌收水工因自江口由
北而南逐段立竿施簞較以水平均係照估如式實
無短少尺寸並逐段測探水深知河底之寬狹高低

尚無弊混其六十五段內開見山石長二十丈之處亦均已開鑿完竣石塊現俱堆積岸傍竟有長至丈餘寬至數尺厚至一二尺者此段並無積水石底一律寬平就前後段水深處用水平較之尺寸獨有盈無紕通工驗收畢卽飭令加意起除壩座淨剗封墩務使寸土不畱以免梗阻初八日早晨復出孟河城驗視護城河工查護城河長三百零四丈五尺分爲四段除首尾二段驗收如式外其中間兩段尺寸稍有不足雖據委員董事等僉稱此處河底係活沙隨挑隨湧略似丹徒之猪婆灘然究係挑挖未能如式

現飭董事等將所領之銀酌數賠繳縣庫俟冬令續挑時責令將水屛乾仍行照估補挑完足其該段委員陽湖縣主簿章恩榮小河司巡檢陳克昌督挑未能如式應請將該二員各記大過一次以觀後效所有驗收緣由理合肅稟具陳

憲鑒再本司於初六日過常州府時因聞德勝凼港兩河人夫甚少當卽面飭恒守親往坐催勒限報竣本日復囑鎮江王守馳往確查分數情形切實稟報合並聲明

道光十一年四月初九日具稟

歲次十一辛酉四月其東

谷並發也

本日公議應王官與前議並行

河內 少許即面商詳

憲立百本以對島六日

許如以本以世台具

許如以本以世台具

許如以本以世台具

許如以本以世台具

許如以本以世台具

武進縣知縣程士偉陽湖縣知縣廖鴻苞爲丹陽浦
河水發下灌小河工難完竣詳緩補挑事竊照孟瀆
河南段漕田界外自外馬橋起至小河江口止應挑
河長七百五十丈內四十七段四百五十丈坐落壩
內估需土方夫工銀二千四百三十五兩零六分二
釐先據具報挑有五分工次當發過九成銀二千一
百九十一兩五錢五分六釐其餘銀兩現存縣庫嗣
於本年三月二十六日奉本府督同卑陽湖縣前詣
勘明壩內河段挑有六分工次惟壩外河段三百丈
江湖淹沒難以施工飭卑二縣查明詳請緩挑仍嚴

催委員將壩內河段勒限趕挑完竣報請驗收去後旋準該段委員元和縣主簿周誥摺報截至四月初一日止該段上四號工長二百二十九丈三尺七寸均已挑有九分工次下四號工長二百二十丈六尺三寸牽計約有七分工次等情正在轉報間又準該委員函稱四月初一夜丹陽浦河水發勢甚奔騰小河地處下游浦水全行下灌因壩座攔隔水注低田田房勢將淹沒當據董事等面稟將壩暫行開啟俾得宣洩出江俟水勢少平再行築壩竣工等情卽經查勘水勢已與洲田圩埂相平少爲緩待必將漫溢

入圍勢甚危險祇得允其開壩宣洩至初二日午後水始平緩田廬幸皆無礙但壩內河段積水深者丈餘淺者八九尺不等若再築壩戽水已屆農忙河夫難雇更恐水將戽乾又復遇雨難望挑竣函商覈辦等情並據各董事稟同前情各到縣據此卑職等當卽馳詣該處勘得小河北達大江西通丹邑浦河該浦河長有四十餘里直趨小河出江測探小河之水現深丈餘及八九尺不等地勢低窪先因春雨連綿灘地間有被淹處所刻下田廬幸皆無礙卑職等復又周歷各處察看情形壩內河段工程雖所虧無幾

而水勢甚大築壩車戽有需時日現在將屆農忙勢
難再於日前補挑完竣若得緩至秋後與壩外江潮
淹沒未挑之三百丈一體興辦方無草率惟壩內河
段方價先已給至九成詢據董事供稱已爲雇夫支
用該河工未完竣原不便遽準報銷而工次已挑有
九分至七分不等似又未便責令繳銀歸庫卑職等
與紳董余保純等會同籌議惟有責令原領承辦之
董事於秋後開挑漕田界內河道時一體補挑足數
彙報驗收其未領夫工一成銀兩仍存俟挑竣驗收
之後再行給領除飭取承辦董事補挑切結存案外
是否允協合將據報勘議緣由具文通詳仰祈
憲臺鑒覈示遵再此案因取到董事秋後補挑切結
始行具詳是以詳報稍稽合併聲明
道光十一年四月十四日具詳

四月十四日具報
 常州府知府恒泰武進縣知縣程士偉陽湖縣知縣
 廖鴻苞謹稟竊卑府督催德勝澡港兩河工程前因
 遇雨稽遲不能迅速歲事經卑府親駐工次督同卑
 二縣暨各委員等嚴催董事人等多集人夫趕辦正
 在踴躍興挑間忽又於四月初八日夜至初十日連
 逢大雨當經卑府將漏夜屝水情形稟報
 憲鑒卑二縣亦將續又遇雨停工待屝緣由通詳各
 在案茲卑府等督率各董事趕將新雨存水屝涸催
 集人夫下塘隨據德勝河原呈董事李汝霖等澡港
 河原呈董事包慎非等稟稱竊生等承挑德勝河道

常州府知府恒泰武進縣知縣程士偉陽湖縣知縣
 廖鴻苞謹稟竊卑府督催德勝澡港兩河工程前因
 遇雨稽遲不能迅速歲事經卑府親駐工次督同卑
 二縣暨各委員等嚴催董事人等多集人夫趕辦正
 在踴躍興挑間忽又於四月初八日夜至初十日連
 逢大雨當經卑府將漏夜屝水情形稟報
 憲鑒卑二縣亦將續又遇雨停工待屝緣由通詳各
 在案茲卑府等督率各董事趕將新雨存水屝涸催
 集人夫下塘隨據德勝河原呈董事李汝霖等澡港
 河原呈董事包慎非等稟稱竊生等承挑德勝河道

原定上年十二月二十一日下塘興工屆期大雪瀾漫泥夫不能下宕迨至本年正二兩月乍晴乍雨水勢甚漲兼之各溝泛溢奉飭多集夫車趕戽興挑奈陰雨不時旋涸旋滿直至三月二十二日始得通河一律戽乾下塘詎是月二十六七等日疊遭雷雨開工河段水深丈許及七八尺不等戽費浩繁然奉工員嚴緊催僱民間自顧水利無不竭力趕戽踴躍興挑現在各工自五六分至八九分不等不料本月初八初九初十等日又復連降大雨兩岸田園積水湧注河段水仍滿溢岸卸河心好工變成壞工現雖不

分晝夜趕戽乾涸惟目下二麥已黃農忙在卽卽使天色全晴亦必延及下旬方能蒞事其時河夫盡顧農功挑竣勢難完善設或再逢陰雨程期愈難懸擬再四籌商惟有請俟秋後補挑以期從容辦理不致草率偷減刻下河夫得早歸農亦可盡力南畝似於河工農事均得兩全爲此瀝叩轉詳等情並據各耆農咸以子弟人等均在工作挑河無人刈麥亦以前情跪求轉稟各前來卑府等當以德澤兩河興工已閱三月現在亟須挑竣驗收豈容因雨藉口停工緩辦卽經嚴批駁飭并面向各耆農人等剴切開導現在

雖據各人夫仍舊盡力開挑並不偷減但卑府等同
在工段察看情形現在均已挑至五六分及八九分
工次不等若無初八等日大雨連降二十日以前本
可加夫趕辦完工今又因雨稽遲即使天色連霽亦
須延至下旬方能竣事田間二麥已熟亟須刈割登
場栽秧種稻係屬目前農田最急之事卑府等既不
能強其不事農功又不敢任其草率偷減再四思維
實乏兩全良策惟有據實稟陳可否仰懇

憲恩俯順輿情準其暫予停工緩至秋後補挑足數
一併驗收以重農務以期覈實之處卑府等未敢擅
便理合據實稟請仰祈

鑒覈示遵至德勝澡港兩河方價銀兩先已通工發
過五成內有挑至八九分者應按其所挑工次分別
找給三四成其有挑不足數之工段應將所領工價
追繳歸庫如蒙

憲準秋後補挑卑二縣自當臨工確驗查明溢領銀
兩追提貯庫秋後興工時再行發給補挑合并聲明
道光十一年四月十六日具詳

江蘇布政使司梁章鉅爲遵批詳報事奉

蘇撫部院程批武陽二縣會詳開挑德勝澡港二河業將各河工次及遇雨積水緣由分別具文詳報仍嚴飭各段上緊趕戽興挑去後旋據呈報德勝澡港兩河南段積水於三月二十九日戽涸北段積水於四月初四日戽涸均卽隨時下塘開挑等情復又飛飭趕挑完竣報請驗收去後茲據具報於四月初八初九初十等日連日大雨各田園積水盡行灌注大河水深五六尺不等現在天雖晴霽各段尙俱停工合先呈報等情前來覆查屬實除飭連夜趕戽興挑

外詳祈電鑒等情由奉批查德操二河工次前據該府恒守稟報牽算已有五分七分工次因本月初八至初十連逢大雨該二河內積水五六尺並經該守差傳各董多架水車漏夜趕戽聲明雨止一二日內仍可下宕開挖斷不任停工守待等情卽經批司勒限趕挑報竣催造估冊送閱在案乃該縣等延至天晴五六月始行詳報各段俱尙停工除飭趕戽興挑等情查該縣等自四月初一日發申呈報該二河三分五分工次之後現詳竟無工次聲明若非借端延宕卽係從前強率興工事關

奏報何得任其顛預似此不諳事體巧爲朦報前批內所云蒼滑似非妄訾仰蘇州布政司詳悉確查情形據實稟覆應行參劾者卽行揭參毋稍姑息仍候督部堂批示繳等因又奉

蘇撫部院程批武陽二縣會詳丹邑浦河水發下灌小河工難完竣請緩俟秋後補挑等情由奉批據詳孟河南段挑工因丹邑浦河水發下灌一時難以車戽現又將屆農忙請緩至秋後補挑等情天時之不順乃本部院所預料而該府縣則均無遠慮農時之勿奪乃該府縣所藉口而本部院曷敢有違言旣據

直隸三河縣志 卷四
該二縣詳報應緩自應準其緩至秋後再行興挑仰
蘇州布政司卽行飭知遵照惟查詳冊詳文所填十
四日期四字均係空補想是該縣等倒填月日意料
本部院必不能細閱及此以故敢於弊混否則十四
日所發之詳何以遲至十七日與十六日該府縣所
發之驗稟同日遞到耶此與驗報德操二河上緊趕
挑之申文同一弄巧反拙該縣等卽遲詳一二日本
部院斷不之責今反被本部院看破情弊所謂揜其
不善而著其善人之視已如見肺肝該令等當以爲
戒再查覈卷內該府縣等歷次送到孟河繪圖小河

江口中隔孟河舊口始接丹陽沙洲今該縣等馳詣
該處勘得小河北達大江西通丹邑浦河直趨小河
出江現在水深丈餘該縣究於何月日詣勘因何並
不繪圖呈送該督挑委員周誥本係原勘小河應行
估挑之員當時亦並未聲明丹陽浦河應由小河出
江此時就圖而論小河一面通江一面直接奔牛萬
緣橋進石橋穿孟河城河環至孟河舊口此處不應
有丹陽境轄河道卽使原勘未確繪圖舛錯此時旣
經履勘亦應據實聲改何得率任委員董事朦混捏
報至已發應繳銀兩該二縣旣未便責令繳出歸庫

本部院卽責成該二縣承認秋後無誤要工切實稟報存案該司卽一併飭知仍候

督部堂批示繳等因又奉蘇撫部院程批常州府督同武陽二縣會稟挑濬德勝深港二河復又遇雨現在農忙請緩至秋後興挑等情由奉批孟瀆河南段應行緩挑小河江口工程已據另詳批發矣至德深二河前據該守等詳尙俱停工並聲明飭連夜趕戽興挑當批蘇州布政司確查在案今又據稟因雨稽遲現又農忙均請緩至秋後補挑該府縣旣爲此俯順輿情之請本部院亦不

敢行故違農時之政應卽如稟緩辦惟是德深二河前於月初已據該府縣報有八九分工次今自十一日起距此稟發申之十六日止晴霽已有數日該府縣旣均在工督催何以並無加增工次且該府縣旣於十六日以遇雨暨農忙情形具稟何以同日又接到該二縣驗文申報德勝河已有四分至八分牽計六分深港河已有六分至九分牽計八分並云上緊趕竣報請驗收亦係十六日所發旣云趕竣何以又請緩挑旣欲緩挑何以又云趕竣同日所發之一事驗稟兩岐豈會稟之稿寓目而驗報之文遂不寓目

耶抑或補此認真從事之驗文欲取悅於上司遂不暇顧及請緩之稟同日發申同日到省耶又同日驗報委員先後到工一摺亦於同日到省開工已將半年正在詳稟停緩而委員駐工日期始行開報轉以漕河界內詳緩未定爲詞欲掩其延擱之咎不知欲蓋彌彰此等泄玩蒼滑之員本部院實難姑容仰蘇州布政司一面飭知停工緩挑一面查明該二縣令情形據實稟覆應參劾者卽行揭參毋稍姑息應繳銀兩並卽覈明飭遵仍候

督部堂批示繳等因各到司奉此本司伏查該府縣於

奏辦工程並不認真督率趕緊完竣而詳稟又復先後參差多方掩飾似此泄玩顛預本應一併參辦惟此時卽予撤參則該府縣轉得置身事外應請先將常州府知府恒泰武進縣知縣程士偉陽湖縣知縣廖鴻苞各記大過三次責令於秋後妥協督挑完工儻再草率延誤卽行一併嚴參懲辦除飭將未挑各工概行停緩確查德勝澡港二河工價銀兩應找給者覈實找給應追繳者按數追繳其小河江口工段已給未挑工價旣未便再令繳出歸庫卽著落該二縣

承認如補挑時稍有短缺惟該二縣是問仍先切實稟報存案一面查明三河已挑分數究有若干給過工價銀若干按方計價應存銀若干內已給未挑銀若干扣存平市若干如何支銷由該府縣分晰造具清冊詳報其一切錢糧盈縮總責成該府縣清理斷不準以董事承辦藉口并造具通工妥確達部估冊送候覈辦並將小河江口工段另行繪圖明晰貼說通送查覈外相應具文詳報伏候
憲臺鑒覈照詳施行

道光十一年四月二十二日具詳

武進縣知縣姚瑩陽湖縣知縣廖鴻苞爲會詳事竊照卑二縣詳奉

奏請借

帑興挑孟瀆德勝溧港二河共估需土方夫工壩閘等項銀二十萬六千七百餘兩道光十年十一月二十日欽奉

諭旨準行卽據各該河董事紛紛呈請開工旋因是年冬令雨雪連綿至次年春初仍晴霽日少工力難施未經開工之孟河南段計河九千餘丈詳請緩辦業已開工之孟河北段三千七百餘丈並德勝溧港二河

直至四月中旬僅據北段之超瓢港等處工竣報奉
驗收其餘各工俱以時值農忙趕辦不及一概詳請
於十一年秋後補挑在案詎上年夏秋雨水復多又
兼江潮異漲河流無處宣洩節交深冬總未消退當
經卑前任武進縣程令及卑職鴻苞將不能開工緣
由於十一月初旬具稟

憲鑒迨後程令因水退無期復曉諭各董事設法車
戽俱以河大水深車戽維艱不敢具結領銀致冬期
未及挑辦卑職瑩抵任履查各河存水雖有消退之
處然深者尙有四五尺不等車戽固較前稍易但已

當春令轉瞬爲霖雨時行潮汐日旺之候及今趕緊
辦理尙恐多所阻礙况三河原估岸形壁立易於坍
卸淤墊須減深加寬另行改估庶可利垂久遠已據
該董等呈請詳奉

憲臺批飭勘辦上冬水大無從查勘今欲開挑必先
勘估由縣估詳道府覆勘逐層辦轉有需時日約期
二月中旬方能集夫下宕上年春工起於正初已前
車可鑿而現遲月餘並連上年未挑之孟河南段一
併舉行工又加倍計開挑後不過月餘卽屆夏令農
忙爲時尤迫使一無雨阻亦萬難報竣矧天時更不

重刊五續等三河全案 卷四
可必卑職等再四思維實未敢冒昧從事察訪民情
商之紳董均以請緩爲宜合無仰懇

憲恩俯準將孟瀆德勝澡港三河工程緩至本年秋
後興工俾得從容挑辦以臻妥善而免草率實爲公
便卑職等仍乘此春水未生以前先將各河口底寬
深應增應減督董逐段勘丈探量造具估冊詳勘聽
候

題咨一俟冬令卽可開工免致臨時再有稽遲貽誤是
否允協除將各河已發銀數並支用各款另行造冊
呈送外所有現在難以舉辦情形及籌議緣由理合

具文詳候

鑒覈示遵

道光十二年正月十七日具詳

--	--	--	--	--	--	--	--	--	--	--	--	--	--	--	--	--	--	--	--

具文
其後

國

